



2017-imut Nunatta Karsiata naatsorsuutaasa akuersissutigineqarnissaannik siunnersuut

(Aningaasaqarnermut Nunanilu Avannarlerni suleqatigiinnermut Naalakkersuisoq)

(Aappassaaneerinninneq)

Demokraatini oqaatigeqqaassavarput kukkuneruisut avataaneersut kiisalu Kukkuneruisuinnermut Ataatsimiitiliap 2017-imut Nunatta Karsiata naatsorsuutai oqaatigimmatigit eqqortumik takutitsisuunerarlugit kiisalu annerumik kukkuneqanngitsutut amingaateqanngitsutullu.

Taamatut aamma kukkuneruisut avataaneersut kiisalu Kukkuneruisuinnermut Ataatsimiititaliaq qutsavigerusuppagut annertusisamik ingerlatsivinni kukkuneruisuinerit marluk itisuumik misissorsimammatigit, qularnaarlugu misilittakkat uppernarsaatitallit atorlugit innersuussisinnaalernissarput nalunagu sulisinnaalluta sipaarnissaq, naammassisaqarluarnissaq kiisalu ingerlatsivinni pisortat aningaasaataannik pitsaasumik aqutsinissaq tunaartarlugit.

Aamma iluarisimaarnarpoq takullugu ukiut siuliini kukkuneruisuinnermut tikkuussinerit arlallit naammassineqarsimammata kiisalu missingersuutinut malitseqartitsisarneq taamatullu naligiissaarisarneq suli annerusumik nukittorsaqqinneqarsimammata. Demokraatini neriuppugut tamanna ingerlajuarumaartoq.

Pisortat ataatsimoorlutik naatsorsuuserinnermut atortorissaarutaat, ERP-mik atortorissaarut nutaaq, ingerlaavartumik atulersikkiartorneqarnissaa qilanaaraarput taamaasilluni illup iluani nakkutilliineq suleriaatsillu nukittorsarneqarsinnaaqullugit ilanngullugu ilungersuutigineqassasoq Namminersorlutik Oqartussani aningaasanik aqutsinerup pitsanngorsarneqarnissaa digitalisererneqarnissaalu.

Tassunga atatillugu Landskarsip kukkuneruisuuta nakkutilliisoqarnissaanut siunnersuutaa ilalerusupparput, tassani pineqarlutik pisorta qarfinni sulisut suleriaasiisa sakkuisalu pitsanngorsarneqarnissaat kiisalu sulissutigineqaaqqissasoq anguniakkat inerillu aqunneqartarnerisa naliginnaasumik nukittorsarneqarnissaat.

Pisariaqarpoq ERP-systemip nutaap atorsinnaanissaanut, illuatungeriit sulinerminni systemimik atuisimanissaat taamaasilluta qularnaarsinnaaniassagatsigu, immikkuualuttunik soorlu inuussutissarsiutinut ilinniarfinni kissaatigineqartutut. Systemi nutaaq aamma kontonik aaqqissuussineq iluatsinnissaannut pisariaqarpoq akuutitsinissaq, tamannalu Demokraatini kaammattuutigissavarput.

Nakkuliinerput pitsanngortittariaqarparput. Taamaattumik pissusissamisuuginnartutut isigaarput nikingassutit nassuiaatigineqarnissaannik maleruagassat erseqqissarneqarnissaat aamma naalakkersuisoqarfiit tamarmik sulissutigisassagaat pitsaasumik nassuiaateqartarnissartik missingersuutit aalajangersimasumik angissusilinnik nikingasoorsimatillugit.



Landskarsip kukkunersuisuata ingerlassimasaanut misissuinermut anngajaamut Kukkunersuinermut Ataatsimiititaliap oqaasii Demokraatini isumaqatigaagut, taamaasilluni siunissami pineqartumi neqeroortitsinissap tulliup ingammik kingullermik neqeroortitsinermi misilittagaasut tunngavigalugit pitsanngorsarneqarsinnaanera ataatsimiititaliap kissaatigaa aamma neqeroortitsinissami tullermi suliap ingerlanerani ataatsimut pilersaarummik, ataatsimiititaliamut attuumassuteqartumut nassiunneqartussamik suliaqartoqassasoq aamma immikkut kaammattuutigineqarpoq. Tamakku pisariaqarput nunap ilaani ilaasunik angallassinermut atatillugu ajornartorsiutit pisarsimasut tulleqqinneqassanngippata.

Akeqanngitsumik biileqartitaanermut atatillugu aningaasartuutigineqartut itisuumik misissorneqarsimanerannut atatillugu Kukkunersuinermut Ataatsimiititaliap oqaaseqaatai aamma ilalerpagut. Allatut oqaatigalugu sipaarluni pinissaq eqqarsaatigalugu malittarisassat atuuttut naammatutut oqaatigineqarsinnaanngillat.

Taamatut oqaaseqarluta 2017-imut Nunatta Karsiata naatsorsuutaasa akuersissutigineqarnissaannik siunnersuut ilalerparput aamma inassutigaarput Deloitte toqqaqqinneqassasoq 2019-mi Landskarsip naatsorsuutaanut kukkunersuisussatut.